

Referencia:	2021/4211V
Procedemento::	Otros expedientes del servicio supramunicipal de transferencia de RSU
Interesado:	SOCIEDADE GALEGA DO MEDIO AMBIENTE ,S.A.
Representante:	Javier Domínguez Lino, Presidente
ÁREA DE MEDIO AMBIENTE (457)	

CONVENIO DE COOPERACIÓN ENTRE A DEPUTACIÓN PROVINCIAL DE OURENSE E A SOCIEDADE GALEGA DE MEDIO AMBIENTE SA PARA A XESTIÓN DAS PLANTAS DE TRANSFERENCIA DE RESIDUOS SÓLIDOS URBANOS NA PROVINCIA DE OURENSE

Dunha parte, **Don José Manuel Baltar Blanco** con DNI núm. 34.962.672-G , **na súa condición de Presidente da Deputación Provincial de Ourense** con CIF núm. P-3200000-B, actuando en representación da entidade local de conformidade có previsto no artigo 34.1.b) da Lei 7/1985, do 2 de abril, reguladora das bases de réxime local e do Decreto de Delegación da Presidencia de data 21 de decembro do 2016.

Doutra parte, **Don Javier Domínguez Lino** con DNI núm. 35311596-H, **na súa condición de Presidente da Sociedade Galega do Medio Ambiente, S.A.** (en adiante SOGAMA) con CIF núm. A15379803, actuando en representación da sociedade mercantil pública segundo o acordo do Consello de Administración de 15 de febreiro do 2015.

Da fe do acto don Juan Marquina Fuentes, Secretario Xeral da Deputación Provincial de Ourense.

As partes comparecentes recoñécense plena capacidade para o outorgamento do presente convenio de cooperación, e na súa virtude

EXPOÑEN

1. Que, ao abeiro do establecido no artigo 25.1.a) da Lei 6/2021, de 17 de febreiro, de residuos e solos contaminados de Galicia, SOGAMA ten asignada a función de xestión dos residuos urbanos a partir do momento no que son depositados nas estacións de transferencia ou plantas de tratamento previstas no Plan de Xestión de Residuos Urbanos.
2. Que, de conformidade co disposto na lexislación de réxime local e no artigo 9 e concordantes da Lei de Residuos e solos contaminados de Galicia, os concellos ostentan a competencia da recollida, transporte e valorización e eliminación dos residuos sólidos urbanos. Pola súa parte, a Deputación Provincial de Ourense, de conformidade co establecido no normativa aplicable as entidades locais, e de acordo con establecido no artigo 9.. f) da Lei 6/2021, de 17 de febreiro, de residuos e solos contaminados de Galicia, ten como a atribución de cooperación cos concellos en materia de xestión de residuos .
3. O sistema promovido pola Administración autonómica para a xestión institucional dos residuos domésticos, xestionado de acordo co disposto na Lei 6/2021, de 17 de febreiro, de residuos e solos contaminados de Galicia, configúrase como un modo de xestión colectiva dos residuos municipais cuxa finalidade de interese xeral é a de conseguir, en cooperación coas entidades locais adheridas ao sistema, o mellor resultado ambiental global no tratamento dos residuos domésticos procurando a máxima eficiencia no uso dos recursos públicos.
4. Na provincia de Ourense SOGAMA construíu e xestiona dúas plantas de transferencia de residuos e a Deputación Provincial de Ourense, en execución do Plan Provincial de Xestión de Residuos Sólidos Urbanos

- financiado con cargo ao Fondo de Cohesión, construíu once microplantas de transferencia de residuos sólidos urbanos na provincia de Ourense.
5. Por acordo Plenario de 28 de abril de 2006 declarouse como servizo público supramunicipal de competencia provincial a prestación do servizo de transferencia de residuos sólidos urbanos a través das microplantas de transferencia de ámbito supramunicipal sendo xestionadas polas mancomunidades ás que pertencen a maior parte dos municipios definidos no seu ámbito territorial, por delegación da Deputación Provincial de Ourense.
 6. No ano 2010 asinouse un Convenio de Colaboración entre a Deputación Provincial de Ourense e SOGAMA para a xestión das microplantas de transferencia de residuos sólidos urbanos da provincia de Ourense cunha vixencia de catro anos que se prorrogou por dous anos máis por acordo do Pleno Provincial de 27 de decembro do 2013. Neste convenio a Deputación Provincial de Ourense cedíalle trinta e sete colectores de alta capacidade para transporte de lixo por estrada a SOGAMA e mantiña a xestión do funcionamento das microplantas da súa titularidade mentres que SOGAMA debía destinar os equipos cedidos ao seu uso no sistema integrado de xestión de residuos sólidos urbanos na provincia de Ourense, recolle-los residuos tratados nas microplantas provinciais, asumindo a súa titularidade dende a entrega e aboarlle a Deputación Provincial de Ourense as cantidades de 2.700 €/unidade, IVE excluído, pola entrega dos 37 colectores e 3,65 €, IVE excluído, por cada tonelada de lixo entregada.
 7. A finais do ano 2016 firmouse un novo convenio cunha vixencia ata o 30 de xuño do 2017 no que a Deputación provincial xestionaba e asumía o funcionamento das microplantas, ben directamente ou ben a través das mancomunidades e SOGAMA recollía os residuos e aboando a

Deputación provincial unha cantidade por tonelada entregada, como compensación aos gastos que, no sistema de xestión integral encomendado a Sogama, realiza a Deputación Provincial.

8. En xuño de 2017, asinase un novo convenio con vixencia ata 2021, coa finalidade de continuar a cooperación entre ambas entidades, na mesma liña de procurar mediante dita cooperación, a consecución dunha redución de custos e eficiencia na prestación do servizo público de xestión dos residuos domiciliarios.
9. A experiencia demostra as vantaxes de este sistema:
 - a. As vantaxes para a Deputación no suposto de levar a cabo a xestión de forma directa ou para as Mancomunidades de ser a xestión indirecta é que garante que o financiamento da maior parte do custo de xestión das microplantas
 - b. As vantaxes para os Concellos é que reduce drasticamente os custos de transporte do lixo
 - c. As vantaxes para SOGAMA é que reduce os custos de loxística que debe soportar no caso de que tivese que construír as dúas ecoplantas previstas inicialmente así como o aforro nos custes de construción, xestión e mantemento.

Polo exposto, as partes acordan a sinatura do presente convenio de cooperación conforme coas seguintes:

CLÁUSULAS

Primeira.- Obxecto.

O presente convenio ten por obxecto regula-la cooperación entre a Deputación Provincial de Ourense e SOGAMA para a xestión das once microplantas de transferencia de residuos sólidos urbanos propiedade da Deputación Provincial

que se relacionan no anexo e que teñen a condición de bens de dominio público e servizo público.

En virtude do presente convenio as once microplantas seguirán a estar integradas funcionalmente no sistema institucional de xestión de residuos urbanos que xestiona SOGAMA, sen prexuízo do mantemento da súa titularidade provincial.

Segunda.- Prestacións a que se obrigan as partes

A **Deputación Provincial de Ourense** xestionara o funcionamento das microplantas de conformidade coas normas, directrices e prescricións técnicas establecidas no Plan de Xestión de Residuos Sólidos Urbanos de Galicia e en condicións que permitan a entrega dos residuos a SOGAMA. A xestión poderá ser realizada directamente pola Deputación ou delegada nas mancomunidades da provincia a través de calquera das formas de xestión previstas na vixente lexislación de réxime local para a xestión dos servizos públicos.

A Deputación Provincial de Ourense ou as mancomunidades delegadas unicamente admitirán nas súas plantas residuos procedentes de concellos ou outras entidades locais integradas no sistema de xestión de residuos de SOGAMA que teñan contrato de servizo en vigor con esta sociedade pública.

SOGAMA realizará a favor da Deputación Provincial de Ourense as seguintes prestacións:

1. Recoller os residuos tratados nas microplantas provinciais, asumindo a súa propiedade dende a entrega e procedente a súa completa xestión a partir desde momento
2. Aboarlle á Deputación Provincial de Ourense a cantidade de 4,90 €/unidade, IVE excluído, por cada tonelada de lixo entregada.

O pagamento destas cantidades realizarase no prazo máximo de noventa días a partir da emisión da correspondente factura pola Deputación Provincial de Ourense. A demora no pago por parte de SOGAMA determinará para a Deputación Provincial de Ourense o dereito a percibi-los xuros legais previstos na lexislación de contratos do sector público. En todo caso, será condición imprescindible para o aboamento dos importes anteriores que a Deputación presente as correspondentes facturas.

Tendo en conta unha estimación de 46.616 toneladas de residuos ao ano xestionadas nas once instalacións de transferencia, o importe estimado do convenio para SOGAMA e de 913.673,60 euros sen IVE para os catro anos de duración (1.105.545,06 euros IVE engadido).

Na realización das prestacións previstas no presente convenio, as partes observarán tódalas esixencias medioambientais contidas na lexislación e as esixidas pola autoridade medioambiental competente.

Terceira.- Comisión de Seguimento, Vixilancia e Control.

Constitúese unha comisión de seguimento, vixilancia e control, coas funcións xenéricas que a súa denominación indica, integrada por un representante da Deputación Provincial de Ourense e un representante de SOGAMA, designados polo órgano competente de cada entidade. As funcións de presidencia da comisión corresponderanlle ao representante da Deputación. A secretaría da comisión corresponderalle ao Secretario xeral da Deputación, con voz e sen voto.

O funcionamento desta comisión axustarase ao disposto para os órganos colexiados establecidas na Sección 3 do Capítulo II da Lei 40/2015, de 1 de outubro de Réxime Xurídico do Sector Público.

En particular, corresponderánlle as seguintes funcións:

1. Estudar e propoñe-las modificacións ou adicións ao presente convenio que se estimen oportunas
2. Interpretar, con carácter executivo, o presente convenio, así como resolver do mesmo xeito as posibles discrepancias que xurdan na súa aplicación, sen prexuízo da posibilidade de que as partes presenten os correspondentes recursos impugnando os actos que dite a comisión no exercicio desta función
3. Informar preceptivamente os supostos de resolución e liquidación do presente convenio.

Cuarta. Eficacia temporal do convenio

O presente convenio terá unha vixencia de 4 anos a partir da súa entrada en vigor o 1 de xullo de 2021.

Quinta.- Causas de resolución do convenio

1. Serán causas de resolución do convenio as seguintes:
 - a. Polas causas establecidas no artigo 51.2 da Lei 40/2015, de 1 de outubro de Réxime Xurídico do Sector Público
 - b. Por denuncia de calquera das súas partes, formulada cunha antelación mínima de tres meses.
 - c. Por incumprimento de obrigas convencionais esenciais. Nestes supostos a entidade interesada en resolve-lo convenio porá en coñecemento da comisión de seguimento, vixilancia e control a

existencia de dita causa de resolución e a súa intención de resolvelo. Unha vez realizada esta comunicación á presidencia da comisión, esta procederá a convoca-la, e deberá reunirse nun prazo máximo de quince días hábiles, co fin de emitir informe sobre a procedencia da resolución. Emitido o informe da comisión, a entidade interesada adoptará a resolución que proceda, contra o que caberá o exercicio das accións legalmente previstas no ordenamento xurídico.

2. Unha vez resolto o convenio este entrará en fase de liquidación que formulará a comisión de seguimento, vixilancia e control, e na que se incluírán os danos e perdas ocasionados polo incumprimento de obrigas convencionais, de se-lo caso. O acordo de liquidación será susceptible de revisión de conformidade coa lexislación vixente.

O pago das obrigas derivadas da dita liquidación poderá reclamárselle a entidade que se considere responsable e deberá ser aboada nos termos establecidos no artigo 52.2 da Lei 40/2015, de 1 de outubro de Réxime Xurídico do Sector Público. Contra o rexeitamento expreso ou tácito poderán interpoñerse os recursos e exercerse as accións contempladas no ordenamento vixente.

Sexta.- Relación Laboral

A subscrición do presente convenio non implica relación laboral, contractual ou de calquera tipo, entre os profesionais que desenvolvan as actividades e SOGAMA, de tal xeito que a esta non se lle poderá esixir responsabilidade algunha, nin directa nin subsidiaria, polos actos ou feitos ocorridos no desenvolvemento do mesmo.

Sétima.- Publicidade

A sinatura do presente convenio suporá o consentimento expreso das partes asinantes para incluír e facer públicos os datos persoais que consten no convenio, e mailo resto de especificacións contidas no mesmo, de conformidade co artigo 15 da Lei 1/2016, do 18 de xaneiro, de Transparencia e Bo Goberno (DOG nº 30 do 15 de febreiro) e o Decreto 126/2006, do 20 de xullo, polo que se regula o rexistro de convenios da Xunta de Galicia (DOG nº 149 do 3 de agosto).

Oitava.- Convenios anteriores

Tanto a Deputación Provincial de Ourense como SOGAMA renuncian expresamente a calquera reclamación ou acción administrativa ou xudicial que lles puidese corresponder con respecto aos convenios anteriores asinados polas partes en relación coas microplantas de transferencia da provincia de Ourense.

Novena.- Natureza xurídica. Xurisdición competente

O presente convenio constitúe un negocio xurídico excluído do ámbito subxectivo da Lei 9/2017, de 8 de novembro, de Contratos do Sector Público, de conformidade co disposto no artigo 6, ao concorrer as circunstancias establecidas na mencionada Lei sobre contratación pública. A súa natureza é a dun convenio de carácter administrativo de colaboración no marco do Plan de Xestión de Residuos Sólidos Urbanos de Galicia, entre unha administración pública e unha sociedade mercantil pública encargada da xestión do sistema institucional de residuos urbanos de Galicia. En consecuencia, correspóndelle aos órganos da xurisdición contencioso-administrativo a resolución das cuestións relativas á súa validez, interpretación, execución, efectos e extinción.

E, en proba de conformidade, asinan o presente documento en Cerceda, en triplicado exemplar e para un só efecto,

Pola Deputación de Ourense

por SOGAMA, S.A.

Dou fe,